

## Cartulaire de Marmoutier pour le Vendômois, Nr. 67

Notum fiat successoribus nostris quod miles quidam Vivianus nomine, homo videlicet Burchardi de Pino, divinitatis amore compunctus, dedit Sancto Martino Maioris Monasterii senioribusque ibidem omnipotenti Dei famulantibus, campum unum terre arabilis ex alodo suo, pro anime sue remedio, nec non et pro beneficio venerabilis loci. Est autem hic campus prope terram illam que ab Hubaldo venatore memorato Sancto data fuit, iuxta villam scilicet que vocatur Ulmeta, arpennos circiter VI in se continens. Ut autem huius donationis cartula certior firmiorque videretur, nomina testium qui fieri donum terre istius viderunt et audierunt subter signare curavimus. S. Adelelmi. – S. Rainaldi. – S. Benedicti maioris. – S. Tedonis maioris.